

Aningaasaliisut aningaasalersuisullu qularnaveeqqusiiffiginissaannut atingaasaateqarfik pillugu inatsisip Kalaallit Nunaanni atuutilersinneqarneranik peqqussut

UAGUT MARGRETHE APPAAT, Guutip saammaanneragut Danmakip Dronningia nalunaarpugut:

Aningaasalersuinermik ingerlatsineq inatsisillu assigiinngitsut pillugit inatsisip allanngortinneqarneranik inatsimmi nr. 576-mi, 6.juni 2007-meersumi § 14 naapertorlugu, (Sillimmaseeqqittarnermik maleruaqqusap najoqqtaritinneqarnera , akiliisinnaassusilinnik naatsorsuineq, ingerlatseqatigiiffiup tiguneqartup aningaasaataanik aggornersiat aggornersitsitsarnerlu pillugit isumaqatigiissutit, siulersuisut aningaasarsiaqartitaanerat pillugu malittarisassat, Aningaasat Pensionisallu pillugit Paasisimasalinnik pilersitsineq, Aningaasanut Nakkutilliisutit kiffaanngissuseqarnerannik erseqqissaaneq il.il.), aningaasaliisut aningaasalersuisullu qularnaveeqqusiiffiginissaannut inatsisip allanngortinneqarneranik inatsimmi nr. 338-mi, 1. maj 2009-meersumi § 5, aningaasalersuinermi patajaatsuunissamik inatsit aamma qularnaveeqqusissutalinnik taarsigassarsitsisarfinni naalagaaffiup aningaasaliisarnera pillugu inatsit (atingaasaliisunut qularnaveeqqusiissutit qaffariaataat aamma Atuukkunnaarsitsinermi Ingerlatseqatigiiffiup, Det Private Beredskabip avataaniittunik suliffeqarfinnik tigusineq il.il.), ukiumut naatsorsuutit pillugit inatsisip allanngortinneqarneranik inatsimmi nr. 516, 6. juni 2009-meersumi 25, aningaasalersuinermik inatsit aamma inatsisit assigiinngitsut allat (ingerlatseqatigiiffinnut inatsisip kingunerisaanik allannguutit), aningaasalersuinermik ingerlatsineq pillugu inatsisip allannguutaanik inatsimmi nr. 1273,-mi, 16. december 2009-meersumi § 13, pappiaranik nalilinnik il. il. niuernermi inatsit, aningaasalersuinermi patajaatsuunissaq pillugu inatsit inatsisillu allat assigiingitsut, (Taarsigassarsiat pillugit nalilersuisitsisarfinnik nalunaarsuineq, nunat allat akiligassaleriffiisa akuerineqartarnerannut aaqqissuussineq, Aningaasanut Nakkutilliisutit nakkutilliinerisa Unammilleqatigiinneq pillugu Nakkutilliisunut nuunneqarnera, Aningaasaliisut Aningaasalersuisullu Qularnaveeqqusiiffiginissaannut Aningaasaateqarfifiup assigisaasalu allaffeqarfifi ikiuttarneq , il.il.) naapertorlugit aalajangersarneqarpoq, inatsit Kalaallit Nunaanni atuutilissasoq. Taamaalilluni aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsit ima oqaasertaqassaaq:

Kapitali 1

Qularnaveeqqusiinissamut aningaasaateqarfifiup suussusia suliaqarfii

§ 1. Aningaasaliisut aningaasalersuisullu qularnaveeqqusiiffiginissaannut aningaasaateqarfik (Aningaasaateqarfik) namminersortuovoq imminut pigisoq.

Imm. 2. §§ 9-11-mi taaneqartut naapertorlugit akilersuisinnaajunnaartoqartillugu imaluunniit akiliisinnaajunnaartoqartillugu instituttit § 3, imm. 1-mi aamma § 4-mi taaneqartut annaasaasa matusissutissaannik aningaasaateqarfik aningaasaliisunut angaasalersuisunullu aningaasaliissaq.

§ 2. (Atorunnaarsinneqarpoq)

Kapitali 2

Instituttit akiuteqartussaatitaasut

§ 3. Instituttit aningaasaateqarfimmut ilaasortaallutillu akiliuteqartussaatitaasut ukuupput:

- 1) Aningaaseriviit,
- 2) qularnaveeqqusiissutitalinnik taarsigassarsitsisarfiit,
- 3) fondsmæglerselskabit aamma aningaasaliinermik aqutsivittut ingerlatseqatigiiffiit, ingerlatseqatigiiffiit ingerlataasa ilaat aningaasalersuinermik ingerlatsineq pillugu inatsimmi § 10, imm. 2 naapertorlugu ingerlanneqartut, aamma
- 4) taarsigassarsitsisarfiit aningaasaliisartutullu ingerlatseqatigiiffiit Kalaallit Nunaanni immikkoortortaat, nunami Den Europæiske Unionip atavaaniittumi ingerlatsinissamut akuersissutinik pigisallit, Fællesskabimulli Kalaallillu Nunaannik aningaasalersuinermik isumaqatigiissuteqarfiginngisai.

Imm. 2. Taarsigassarsitsisarfiit aamma aningaasaliinermik ingerlatseqatigiiffiit immikkoortortaqarfii, Kalaallit Nunaanni angerlarsimaffillit, nunani Den Europæiske Unionip avataaniittut, Fællesskabilli aamma Kalaallit Nunaata aningaasalersuinermik isumaqatigiissuteqarfiginngisai Aningaasaateqarfimmut ilaasortaannginnissaannik Aningaasanut Nakkutilliisuitat aalajangersagaliorsinnaapput.

§ 4. Taarsigassarsitsisarfiit, aningaasaliisartutut ingerlatseqatigiiffiit, aningaasaliinermik aqutsivittut ingerlatseqatigiiffiit Kalaallit Nunaanni immikkoortortaat, nunami Den Europæiske Unionip iluani, Fællesskabip aningaasalersuinermik isumaqatigiissuteqarfigisaani, ingerlataqarnissamik akuersissutaatillit, aamma aningaasalersuinermik ingerlatsineq pillugu inatsimmi, kunngip peqqussuteqarneratigut Kalaallit Nunaannut atuutilersinneqartukkut, § 30, imm. 1 naapertorlugu Kalaallit Nunaannik isumaqatigiissuteqartut, nunagisap qularnaveeqqusiinermik aaqqissuussineranut tapertatut Aningaasaateqarfimmut ilaasortanngussapput, aaqqissuussinerit §§ 9-11-mi taaneqartut nunagisami aaqqissuussinernit pitsauneruppata. Tamanna pillugu Aningaasanut Nakkutilliisuitat erseqqinnerusumik aalajangersaassapput.

Kapitali 3

Aningaasaateqarfiup immikkoortortai

§ 5. Aningaasaateqarfik pingasunik immikkoortoqarpoq: Aningaaserivinnut immikkoortortaq, qularnaveeqqusiissutitalinnik taarsigassarsitsisarfinnut immikkoortortaq aamma fondsmæglerselskabinut immikkoortortaq.

Imm. 2. Aningaaserivinnut immikkoortortami pineqarput § 3, imm. 1, nr. 1-imi instituttit taaneqartut taakkualu immikkoortortaat, tak. imm. 5.

Imm. 3. , Qularnaveeqqusiissutitalinnik taarsigassarsitsisarfinnut immikkoortortami pineqarput § 3, imm. 1, nr. 2-mi instituttit taaneqartut taakkualu immikkoortortaat, tak. imm. 5.

Imm. 4. Fondsmæglerselskabinut immikkoortortami pineqarput § 3, imm. 1, nr. 3-mi instituttit taaneqartut taakkualu immikkoortortaat, tak. imm. 5.

Imm. 5. Aningaasaateqarfiup siulersuisuisa aalajangissavaat, § 3, imm .1, nr. 4-mi aamma § 4-mi immikkoortortat taaneqartut immikkoortortaqarfimmut sorlermut ilanngunneqassanersut.

§ 6. Instituti akiliuteqartussaatitaasoq akilersuisinnaajunnaarluni imaluunniit akiliisinnaajunnaarluni nalunaaruteqarpat, immikkoortortami instituttip pineqartup ataaniittumi instituttit akiliutaat, ataatsimut akiliutit ilanngullugit, inatsit naapertorlugu immikkoortortap pisussaaffiisa matussusernissaannut atorneqassapput.

Imm. 2. Akiliutit imm. 1-mi taaneqartut inatsisit naapertorlugu immikkoortortap pisussaaffiisa matussuserneqarnissaanut naammanngippata, immikkoortortat ataatsimut akiliutaat tunaartaralugit immikkoortortat tamarmik aningaasalersugaannik immikkoortortaq taarsigassarsissaaq.

Imm. 3. Ukiumi naatsorsuusiorfimmi ataatsimi pisussaaffigilikkat matussuserneqarnissaannut immikkoortortaq aningaasanik taarsigassarsisinnaavoq immikkoortortat uninngasuutaasa 50 pct.-ata annertussuseqataanik, 100 mio. kr-nilli qaangernagit.

Imm. 4. Aningaasaateqarfip pisussaaffiisa naammassineqarnissaat pillugu aningaasaateqarfip taarsigassarsinissaanut, Finansudvalgip isumaqataaneratigut, Økonomi aamma erhvervsministeri qularnaveeqquiisinnaavoq.

Imm. 5. Akiliisinnaajunnaartup pigisaanit agguassisoqassappat, imm. 2 naapertorlugu immikkoortortanut taarsigassarsisitsut sallunneqassapput. Aningaasat sinneruttut immikkoortortamut, akiliisinnaajunnaartumut atasumut, tunniunneqassapput.

Kapitali 4

Akiliummik aalajangersaaneq

§ 7. Aningaasaateqarfip aningaasaatai 3,2 mia. koruuninit ikinnerussanngillat.

Imm. 2. Danmarks Nationalbanki isumaqatigiinniarfigereerlugu instituttit Aningaasaateqarfimmut akiliutaat, immikkoortortat ataasiakkaat aningaasaataasa minnerpaaffissatut piumasaqaammik, § 6, imm. 2 naapertorlugu taarsigassarsinermi atugassarititat pillugit Aningaasanut Nakkutilliisuititat malittarisassanik aalajangersaassapput. Instituttinit akiliutit akiliinerni aamma uninngasuutinit akilerneqartassapput.

Imm. 3. Akiliutit matussuseriikkat pillugit aningaaseriviit ukiumi naatsorsuusiorfimmi ataatsimut akiliutaat annerpaamik instituttit akiliutaasa 2 promilliisa annertoqatigissavaat. Aningaasat pappiarallu nalillit matussuserneqarnissaannut instituttit ataatsimut akiliutaat, utertinneqarsinnaanngitsut, kiisalu immaqa immikkoortortap taarsigassarsiai kittaarlugit taarsersukkat, tak. § 6, imm. 2, ukiup naatsorsuusiorfiusup ataatsip iluani immikkoortortap aningaasaataasa annerpaamik 50 pct.-erissavai.

Imm. 4. Instituttit ataasiakkaarlutik akiliutaat naatsorsorneqassapput matussusereerlugit ilanngaatisat ilanngaatigereerlugin akiliutaat, matussusereerlugit aningaasaataat aamma matussusereerlugit pappiarat naliliutaat tunngavigalugit. Akiliutit naatsorsorneqarnissaat pillugu Aningaasanut Nakkutilliisuititat, Aningaasaateqarfip siulersuisua inassuteqarnerisigut, erseqqinnerusumik malittarisassiorsinnaapput.

Imm. 5. Imm. 1 naapertorlugu Aningaasaateqarfip pisuussutaataasa annertussisussaannut piumasaqaat Økonomi- aamma erhvervsministerip allanngortissinnaavaa.

§ 8. Instituti Aningaasaateqarfimmut ilaasortatut pisussaaffimminik naammassinninngippat tamanna Aningaasaateqarfip Aningaasanut Nakkutilliisuititanut nalunaarutigissavaa. Immikkoortortaq Aningaasaateqarfimmut ilaasortanngorpat, tak. § 4, tamanna Aningaasanut Nakkutilliisuititat immikkoortortap nunaani oqartussanut nalunaarutigissavaat.

Imm. 2. Inatsit imaluunniit Aningaasaateqarfiup malittarisassaani aalajangersakkat naapertorlugit inatsimmi maleruagassat instituttip unioqqutippaagit, akuersissut instituttip ingerlatsinissamut pigisaa Aningaasanut Nakkutilliisuititat atorunnaarsissinnaavaat.

Kapitali 5

Aningaasaateqarfiup matussusiiiffissai

§ 9. § 3, imm. 1, nr. 1-im i instituttit taaneqartut kiisalu § 3, imm. 1, nr. 4, aamma § 4-mi taarsigassarsitsisarfiit immikkoortortaat taaneqartut, aningaaserivinnut atasut, instituttimut aningaasaliissutit, Aningaasaateqarfimm atermik upernarsaasikkat, Aningaasaateqarfiup matussusissavai aningaasaliisup ataatsip 100.000 eurot tikillugit aningaasaliissutaanut naapertuuttumik.

Imm 2. Aningaasaateqarfik tamakkiisumik aningasaliissuteqassaaq

- 1) inatsit naapertorlugu soraarnerusutisiassanut ileqqaarutit kontoinut,
- 2) inatsit naapertorlugu soraarnerussutisiassat kontoinut,
- 3) inatsit naapertorlugu nammineq soraarnerusutisiassat kontoinut,
- 4) inatsit naapertorlugu soraarnerusutisiassanut katersat akileraarutitigut oqilisaaffigisat kontoinut,
- 5) inatsit naapertorlugu meeqqanut ileqqaarutit kontoinut,
- 6) inatsit naapertorlugu initaarnissamut ileqqaarutinut,
- 7) inatsit naapertorlugu ilinniagaqarnissamut ileqqaarutit kontoinut,
- 8) inatsit naapertorlugu pilersitsinerit kontoinut,
- 9) advokatit sullitaasa kontoini uninngasuutinut,
- 10) angajoqqaatut akisussaanermik inatsisip kapitali 5-at, namminersorsinnaanermik inatsimmi kunngip peqqussutaatigut nr. 306-ikkut, 14. maj 1993-mit, kingornussisarnermik inatsimmi §§ 54 aamma 61 imaluunniit Kalaallit Nunaanni kingornussisarnermik inatsimmi § 20 naapertorlugu aqutsiveqarfiit immikkoortortaannut akuerisanut,
- 11) toqusimasup pigisaanik kingornussassat kontoannut, aamma
- 12) toqqortaatit pillugit inatsit naapertorlugu toqqortanut.

Imm. 3. Aningaasat illusinissamut atormeqartussat, isumaqatigiissut naapertorlugu qaammatini 9-ni kontomi immikkut ittumik uningesuutigineqartussat, Aningaasaateqarfiup tamakkiisumik matussusissavai aamma illu qularnaveeqqusiullugu taarsigassarsinermi iluanaarutit tapiissutaasut Aningaasaateqarfiup matussusissavai, nutaamik illuliorneq ukiut marluk sinnernagit sivisussuseqanngippat. Taamaattorli Aningaasaateqarfiup matussusinera pissaaq pisussaaffiit taarsigassarsinermut illusinermiluunniit attuumassuteqartut ilanngaatigalugit immaqlu aamma pisussaaffiit imm. 1 naapertorlugu instituttimut pineqartumut ilanngaatigineqanngitsut. Illup inuussutissarsiutaanngitsumut annertunerusumik atorneqareersuunissaa imaluunniit pisisumit illumilluunniit tunisisumit taarsigassarsisimasumillu inuussutissarsiutaangitsumut annertunerusumik atorneqarnissaa piumasaqataavoq.

§ 10. § 3, imm. 1, nr. 2 aamma 3-mi instituttit taaneqartut aamma § 3, imm. 1, nr. 4-mi § 4-milu qularnaveeqqusiissutitalinnik taarsigassarsitsisarfiit aningaasaliisartutullu ingerlatseqatigiiffiit immikkoortortai taaneqartut, qularnaveeqqusiissutitalinnik taarsigassarsisitsisarfiit immikkoortortaannut imaluunniit fondsmæglerselskabit immikkoortortaannut atasut, instituttimi aningaasat tigoriaannaat aningaasalersuisumut ataatsimut 100.000 kr.-inut naapertuuttut Aningaasaateqarfiup matussusissavai.

§ 11. Pappiarat nalillit aningaasalersuisup pii instituttimi toqqortarineqartut, paarneqartut imaluunniit instituttimit aqunneqartut, instituttip utertitsisinnaannginnerata kingunerisaanik aningaasalersuisup annaasaqarfipaggit, § 3, imm. 1-mi instituttit taaneqartut pappiaqqat nalillit naleqataanik Aningaasaateqarfik § 4 naapertorlugu annaasaqartunut matussusiissaaq aningaasaliisumut ataatsimut 20.000,00 euro-t tikillugit. Taamaattorli aningaasat pappiarat nalillit, instituttip utertissinnaanngisai, nalingannut naapertuuttut kisiisa aningaasaliisumut tunniunneqarsinnaapput.

Imm. 2. Inatsimmi matumani pappiarat nalillit ima paasineqassapput pappiaranik nalilinnik niuerneq il.il. pillugit inatsimmi § 2-mi periaasissatut taaneqartutut.

§ 12. Aningaasaliisut aningaasalersuisullu matussusiiffigineqarnissaminnut piumasaqaataat, tak. § 9, imm. 1 aamma §§-it 10, 11-lu, naatsorsorneqassaaq aningaasaliisut aningaasalersuisullu instituttimut pineqartumut pisussaaffigiunnagaat ilanngaatigereerlugit, taamaattorli takuuq imm. 2.

Imm. 2. Aningaasalersuinermik ingerlatsineq pillugu inatsimmi § 16 a-mi taaneqartumi obligationit immikkut matussusikkat tunngavigalugit taarsigassarsiat taarsernissaannut pisussaaffiit imm. 1 naapertorlugu ilanngaatigineqassanngillat.

§ 13. Aningaasaliissutit, aningaasaatit aamma pappiarat nalillit instituttip pineqartup pisortaata aamma siulersuisunut ilaasortat imaluunniit ingerlatseqatigiiffiit instituttimut pineqartumut ingerlatseqataasut pii Aningaasaateqarfip matussusissangilai. Aningaasaateqarfuttaaq matussusissangilai aningaasaliisut imaluunniit aningaasalersuisut piginneqataassutsit qularnaveeqquissutillu 10 pct.-iannik annermilluunniit piginnittut. Aningaasaateqarfip aamma matussuserneq ajorpai instituttit nunamilu allamiut taarsigassarsisitsisarfii § 3, imm. 1-mi taaneqanngitsut aningaasaliissutaat, aningaasaataat aamma pappiarat naliliutaat, kiisalu instituttit § 4 naapertorlugu Aningaasaateqarfimmuit ilaasortat ataatsikkut aningaasaliissutit kingulliusussaatitaasut imaluunniit aningaasaliissutit, aningaasat aamma pappiarat nalillit nuussinermit pisut pinerlunnikkut aningaasarsianik malunnarunnaarsaanermiit eqqartuussummut tunngassuteqartut.

§ 14. Inuit arallit kontomik ataatsimik imaluunniit toqqorsivimmik ataatsimik piginnittutut nalunaarsugaanerat tunngavigalugu, §§-ni 9-11-ni killissatut aalajangersakkat naatsorsorneranni inuk ataaseq nammineq aningaasaliisutut imaluunniit aningaasalersuisutut igisineqassaaq.

§ 15. Qularnaveeqquissamut aaqqiinermi, instituttip peqataaffigisaani, matussiinissap il.il. annertussusaa pillugu aningaasaliisut aningaasalersuisullu paasissutissinneqassapput. Tamanna pillugu Aningaasanut Nakkutilliisuititat erseqqinnerusumik aalajangersagaliussapput.

Kapitali 6

Aningaasaateqarfip aningaasaliisunut aningaasalersuisunullu akiliisarnera

§ 16. Aningaasaateqarfip akiliinera imaluunniit instituttit kontoinut aningaasaliissutinik aningaasanillu nuussinera piaartumik pisassaaq imaluunniit akilersuisinnaajunnaarnerup akiliisinnaajunnaarnerulluunniit kingorna qaammatit pingasut qaangiutsinnagit. Aningaasat tunniussat piumasaqaatit naapertorlugin tunniunneqarsimanersut misissoqqinnejartarnissaat piumasaqaataavoq. Akiliisinnaajunnaartoqartillugu akiliisinnaajunnaarnerup

nalunaarutigineqarnerata kingorna aningaaseriviup ammasarfii nalinginnaasut ulluisa arfineq-aappaata kingorna Aningaasaateqarfiup pisussaaffii atuutilissapput.

Imm. 2. Imm. 1-mi oqaaseqatigiinni siullerni piffissaliussaq taaneqartoq Aningaasaateqarfiup noqqaaneratigut Aningaasanut Nakkutilliisuititat sivitsorsinnaavaat, annerpaamilli qaammatini 9-ni.

Imm. 3. Piffissaliussaq imm. 1-mi aamma 2-mi taaneqartoq innersuussutigalugu aningaasaliisumut aningaasalersuisumulluunniit, aningaasat akilerneqarnissaannut piffissaagallartillugu pisinnaatitaaffini naapertorlugu piumaqateqarsinnaasimanngitsumut, Aningaasaateqarfik matussutissanik akiliinissamut itigartitsisinnaanngilaq.

Imm. 4. Instituttip akilersuisinnaajunnaarnera akiliisinnaajunnaarneraluuunniit kiisalu aningaasaliisut aningaasalersuisullu piumasaqaatiminnik Aningaasaateqarfimmut nalunaaruteqartarnerat pillugu Aningaasaateqarfiup ilisimatitsisussaaneranik Aningaasanut Nakkutilliisuititat erseqqinnerusumik malittarisassiussapput.

§ 17. Aningaasaliisup aningaasalersuisulluunniit instituttimut, akilersuisinnaajunnaarnermik imaluunniit akiliisinnaajunnaarnermik nalunaaruteqartumut, piumasaqaataanut Aningaasaateqarfik matussusiisimanini naapertorlgu ilanngutissaq.

Kapitali 7

Aningaasaateqarfiup siulersorneqarnera qullersaqarfialu

§ 18. Aningaasaateqarfik siulersorneqassaaq siulersuisunut ilaasortanit 8-nit, økonomi- aamma erhvervsministerimit toqqarneqartunit. Siulersuisunut ilaasortat taakkualu sinnisuussaat ukiuni pingasuni taama atuuffeqartussanngorlugit toqqarneqassapput.

Imm. 2. Siulersuisut siulittaasuat inuiaqatigiit aningaasarsiornerannik naatsorsuuserinermillu tunngasunik paasisimasaqassaaq, siulittaasup tullia inatsisilerinermik tunngasunik paasisimasaqassalluni. § 3, imm. 1, nr. 1-mi instituttit taaneqartut siulersuisunut ilaasortat marluk sinnisuuffigissavaat, instituttit § 3, imm. 1, nr. 2-mi taaneqartut siulersuisunut ilaasortap ataatsip sinnisuuffigissavai, instituttit § 3, imm. 1, nr. 3-mi taaneqartut siulersuisunut ilaasortap ataatsip sinnisuuffigissavai aammalu siulersuisunut ilaasortat marluk aningaasaliisut aningaasalersuisullu sinnisuuffigissallugit.

Imm. 3. Inuit qullersaqarfimmi sulifillit imaluunniit ingerlatseqatigiiffimmut kattuffimmulluunniit attuumassutillit, Aningaasaateqarfiup ingerlatseqatigiiffillu kattuffiillu akornanni soqutigisanik akerleriilersitsinnaasut, siulittaasutut siulittaasulluunniit tulliatut qinerneqarsinnaanngillat.

Imm. 4. Aalajangigassat nalinginnaasumik amerlanerussuteqarnikkut aalajangerneqartassapput, tak. § 19, imm. 2, oqaaseqatigiit aappaat. Taasinerit amerlaqatigiikkangata siulittaasup taasinera aalajangiisusuussassaaq.

§ 19. Aningaasaateqarfiup malittarisassai aamma siulersuisut sulinerminni najoqqutassaat Aningaasanut Nakkutilliisuititanit akuerineqassapput. Fondimi maleruagassat aamma siulersuisut suleriaasissaat Finanstilsynimit akuerineqassapput.

Imm. 2. Malittarisassat imarissavaat Aningaasaateqarfiup aningaasaataanik inissiinermut aalajangersakkat.

Imm. 3. Immikkoortortamut ataatsimut tunngasumik siulersuisut suliaqarneranni siulersuisunut ilaasortap immikkoortortat sinneri sinnisuuffigalugit peqataannginnissaa pillugu Aningaasaateqarfiup malittarisassaani aalajangersagaliortoqarsinnaavoq.

§ 20. Siulersuisut ikiortimik pisariaqartitaminnik suleqateqassapput, ukiullu ilivitsup kingorna qaammatit pingasut qaangiutsinnagit ukiumi qaangiuttumi naatsorsuutit Aningaasaateqarfiup ingerlanneqarneranut nalunaarutitallit Aningaasanut Nakkutilliisuitutanut saqqummiutissavaat.

§ 21. Aningaasaateqarfiup qullersaqarfiata aningaasartuutai Aningaasaateqarfiup aningaasartuutigissavai.

Imm. 2. Aningaasaateqarfik akitsummik Aningaasanut Nakkutilliisuitutanut akiliissaaq. Aningaasalersuinerterik ingerlatsineq pillugu inatsimmi kapitali 22-i naapertorlugu akitsuut annertussusilerneqassaaq.

Kapitali 7 a

Kajuminnikkut aaqqiinerit

§ 21 a. § 1, imm. 1-mi taaneqartut saniatigut instituttit akiliuteqartussaatitaasut nammineq kajumissutsikkut aningaasaliisunut aningaasalersuisunullu aaqqissuussisinnaapput.

Imm. 2. Imm. 1 naapertorlugu nammineq kajumissutsikkut aaqqissuussineq Aningaasanut Nakkutilliisuitutanut nalunaarutigineqassaaq. Nalunaaruteqarneq minnerpaamik makkuninnga imaqassaaq:

- 1) Nammineq kajumissutsikkut aaqqissuussisup aqqa,
- 2) Nammineq kajumissutsikkut aaqqissuussisup najugaqarfia,
- 3) inuit nammineq kajumissutsikkut aaqqissuussinermi aqtsisiusut aqqi,
- 4) Nammineq kajumissutsikkut aaqqissuussinerup sumorpiaq tunnganeranik paasissutissat.

§ 21 b. § 21 a, imm. 1-imni taaneqartutut nammineq kajumissutsikkut aaqqissuussinermut Aningaasanut Nakkutilliisuititat suleqatigiinnissamik isumaqatigiissuteqarsinnaapput. Suleqatigiinnissamik isumaqatigiissutit imarisinnaavaat, suleqatigiinneq, paasissutisseeqatigitarneq aamma piginnittuulernissamik neqeroorutit pissarsiarineqarnerat.

§ 21 c. Nammineq kajumissutsikut aaqqissuussinermi siulersuisut, sulisut kukkunersiuisorlu paasissutissat isertuussat sulinermennut atatilugu ilisimalersimasatik ingerlateqqissanngilaat imaluunniit atornerlussanngilaat.

Kapitali 8

Nakkutilliineq

§ 22. Aningaasanut Nakkutilliisuititat Aningaasaateqarfimmik nakkutilliissaaq. Paasissutissat inatsisini malittarisassat, malittarisassat inatsisikkut atuutilersinnejartut aamma Aningaasaateqarfiup malittarisassaatigut aalajangersakkat malinnejqarnissaata qułakkeerneqarnissaat pisariaqarsorinarpas Aningaasanut Nakkutilliisuititat aamma Aningaasaateqarfiup instituttinut pineqartunut, aningaasaliisunut aningaasalersuisunullu piumasarisinnaavaat.

Imm. 2. Aningaasanut Nakkutilliisuutitat nakkutilliineranni aningaasalersuinermik ingerlatsineq pillugu inatsimmi §§ 354 aamma 355 taamatuttaaq atutissapput. Illuatungerit akornanni suliassanut tunngasuni Aningaasanut Nakkutilliisuutitanut kisiartaalluni Aningaasaateqarfik illuatungiusutut isigineqassaaq.

Kapitali 8 a

§ 22 a. Aningaasaateqarfip siulersuisuini ilaasortat, kukkunersiuisut, pisortat sulisullu allat aammalu § 20 naapertorlugu ikiortitut suleqatiserineqartut sulinerminnut atatillugu ilisimalersimalersimasatik ingerlateqqissanngilaat imaluunniit atornerlussanngilaat.

Kapitali 9

Kingunerititassat pillugit aalajangersakkat

§ 23. Kalaallit Nunaanni pinerluttulerinermik inatsimmi unioqqutitsisoq pineqaatissinneqassaaq,

- 1) inuk eqqunngitsunik salloqittaalluniluunniit paasissutissiisoq imaluunniit nalunaaruteqarnermini, naatsorsuinermini matussutissanilluunnit akilerneqarnerminut atatillugu paasissutissanik nipangiussisoq,
- 2) § 22 naapertorlugu Aningaasanut Nakkutilliisuutitanut Aningaasaateqarfimmulluunniit paasissutissanik tunniussinngitsoq imaluunniit Aningaasaateqarfip nakkutigineqarnissaani atorneqartussanik eqqunngitsunik salloqittaalluniluunniit paasissutissiisoq.

Imm. 2. Taamatuttaaq instituti pineqaatissinneqassaaq Aningaasaateqarfimmut atassuteqartutut pisussaaffimminik naammassinninngitsoq..

Imm. 3. Aktieselskabi imaluunniit anpartselskabi, piginneqatigiiffik, peqatigiiffik, aningaasaateqarfik assigisaaluunniit unioqqutitsisimagaangat selskabi, peqatigiiffik, aningaasaateqarfik il.il. akiligassinneqarsinnaavoq.

§ 23 a. §§ 21 c-mi aamma 22 a-mi aalajangersakkat unioqqutinnejarpata Kalaallit Nunaanni pinerluttulerinermik inatsit nappertorlugu pineqaatissiissoqassaaq.

Kapitali 10

Atuutilersitsinermi aalajangersakkat il.il.

§ 24. Peqqussut manna 1. oktober 2010-mi atulersinneqarpoq.

§ 25. (Kalaallit Nunaanni atuutilersinneqassanngilaq)

§ 26. (Kalaallit Nunaanni atuutilersinneqassanngilaq)

Tunniunneqarpoq Christiansborg Slotimi, 1. september 2010

Kunngiussutsitsinnik Atsiorpugut Naqissusiillatalu

MARGRETHE R.

/ Brian Mikkelsen